



# Félag löggiltra endurskoðenda

## Samþykktir Félags löggiltra endurskoðenda

### 1. Nafn félagsins og tilgangur þess

#### 1. gr.

Nafn félagsins er Félag löggiltra endurskoðenda, skammstafað FLE.

#### 2. gr.

Heimili félagsins er í Reykjavík.

#### 3. gr.

Tilgangur félagsins er að:

- viðhalda og auka faglega þekkingu félagsmanna,
- vinna að samræmingu á vinnubrögðum félagsmanna,
- vinna að bættri þjónustu félagsmanna við viðskiptavinum sína og aðra, er byggja á störfum þeirra,
- vinna að kynningu á starfssviði félagsmanna,
- vera í forsvari fyrir félagsmenn sem heild á opinberum vettvangi,
- gæta hagsmuna félagsmanna sem tengjast störfum þeirra sem endurskoðenda,
- vera vettvangur fyrir gagnkvæm kynni félagsmanna,
- vinna að því að starfsemi og framkvæmd starfa endurskoðenda sé til fyrirmyndar,
- koma fram fyrir hönd félagsmanna gagnvart dómstólum og stjórnvöldum um þau málefni sem stétt þeirra varða,

#### 4. gr.

Tilgangi sínum hyggst félagið ná m. a. með:

- reglulegum viðburðum fyrir félagsmenn,
- ályktunum og samþykktum,
- námskeiðahaldi fyrir endurskoðendur og starfsmenn þeirra, eitt og sér eða í samstarfi við aðra,
- með útgáfu fréttu, greina, leiðbeininga og annarra upplýsinga,
- samantekt fræðslugagna,
- rekstri heimasíðu og nýtingu samfélagsmiðla,
- rekstri skrifstofu,
- samstarfi við hliðstæð félög,
- reglulegum samskiptum við hagsmunaaðila,
- því að bjóða upp á kerfi til skráningar endurmenntunareininga,
- öðrum þeim hætti sem forsvarsmenn félagsins telja henta og við eiga hverju sinni.

Félagið annast einnig þau verkefni sem því eru falin samkvæmt lögum um endurskoðendur.

## 2. Félagsmenn

### 5. gr.

Félagsmenn skulu hafa öðlast réttindi sem endurskoðendur samkvæmt íslenskum lögum og óska félagsaðildar.

Starfsmenn endurskoðunarfyirtækja geta óskað eftir aukaaðild að félaginu, en mega ekki kenna sig við félagið. Hætti starfsmaður sem skráður er í aukaaðild störfum hjá endurskoðunarfyirtæki er honum heimilt að óska eftir því að vera áfram með aukaaðild að félaginu.

### 6. gr.

Ef einhver félagsmaður eða einstaklingur utan félagsins hefur unnið mikilvæg störf í þágu þess eða stéttarinnar í heild, getur aðalfundur kjörið slíkan einstakling heiðursfélaga enda beri stjórn félagsins fram tillögu þar að lútandi.

### 7. gr.

Alþjóðlegar siðareglur endurskoðenda eru hluti af samþykktum þessum.

### 8. gr.

Félagsmönnum ber að upplýsa skrifstofu félagsins um breytingar sem verða á lögheimili þeirra, heimilisfangi starfsstöðvar og tölvupóstfangi. Félagið skal halda nákvæma félagaskrá. Er sending fundarboða og annarra tilkynninga gild ef þær eru sendar á lögheimili félagsmanns, þá starfsstöð eða tölvupóstfang sem hann hefur tilkynnt.

### 9. gr.

Stjórn félagsins tekur ákvörðun um brottvikningu úr félaginu. Ákvörðun um brottrekstur skal tekin með einróma samþykki stjórnar. Gefa skal félagsmanni kost á að tjá sig um málsatvik áður en ákvörðun er tekin.

### 10. gr.

Um réttindi og skyldur félagsmanna fer eftir ákvæðum laga um endurskoðun og endurskoðendur nr. 94/2019 og öðrum lögum og reglugerðum eftir því sem við á. Um réttindi þeirra og skyldur fer jafnframt eftir samþykktum félagsins og eftir atvikum öðrum reglum þess.

## 3. Stjórn og nefndir

### 11. gr.

- Stjórn félagsins skal skipuð fimm félagsmönnum; formanni, varaformanni og þremur meðstjórnendum.
- Formaður og varaformaður skulu kosnir sérstaklega til tveggja ára í senn.
- Ef fleiri en tveir fá atkvæði í formanns- eða varaformannskjöri, en enginn þeirra helming greiddra atkvæða, skal kosið að nýju milli þeirra tveggja, er flest atkvæði hlutu í fyrri kosningu.
- Meðstjórnendur skulu kosnir til þriggja ára í senn, með þeim hætti að kjósa skal einn árlega.
- Geti stjórnarmaður ekki sinnt stjórnarstörfum af einhverjum ástæðum svo sem vegna veikinda skal stjórn boða til félagsfundar þar sem kjósa skal nýjan stjórnarmann fram að næsta aðalfundi.
- Óheimilt er að kjósa sama einstakling til formanns eða varaformanns oftár en einu sinni.
- Kosinn skal endurskoðandi til eins árs.
- Kjörgengir samkvæmt þessari grein eru félagsmenn samkvæmt 1. málsgrein 5. greinar.

### 12. gr.

Fastanefndir félagsins skulu vera eftirfarandi:

1. **Álitsnefnd**, sem hafi það hlutverk að láta uppi fyrir félagsins hönd rökstutt álit um hvers konar fyrirspurnir varðandi starfssvið endurskoðenda, sem fyrir félagið kynnu að verða lagðar af Alþingi, framkvæmdavaldi ríkisins, dómstólum, samtökum, einstökum félagsmönnum eða viðskiptamönnum þeirra. Nefndin getur leitað eftir greinargerð fagnefnda félagsins eða annarra sérfræðinga um einstök mál eftir því sem við á, áður en álit er gefið. Meirihluti atkvæða ræður niðurstöðum nefndarinnar, en sérhver nefndarmaður á rétt á að fá bókað sératkvæði sitt.
2. **Endurskoðunarnefnd**, sem hafi það hlutverk að fylgjast með þróun endurskoðunar og staðfestinga hérlendis og erlendis og vinna að samræmingu á þeim störfum félagsmanna, sem varða endurskoðun almennt. Jafnframt skal nefndin fylgjast með þróun siðareglna endurskoðenda á alþjóðavettvangi.

3. **Reikningsskilanefnd**, sem hafi það hlutverk að fylgjast með þróun reikningsskila hérlandis og erlendis og vinna að samræmingu á þeim störfum félagsmanna, sem varða reikningsskil almennt.
4. **Skattanefnd**, sem hafi það hlutverk að fylgjast með breytingum á skattalöggjöf og reglugerðum og vinna að samræmingu á þeim störfum félagsmanna, sem varðar skattamál almennt. Skattanefnd skal einnig sjá um samskipti við skattyfirvöld í samráði við stjórn félagsins.

Auk framangreindra fastanefnda getur stjórnin skipað nefndir eða vinnuhópa til að annast tiltekin málefni innan félagsins, eftir því sem ástæða þykir til.

### **13. gr.**

Á aðalfundi skal kjósa einn mann í senn til fjögurra ára í hverja fastanefnd félagsins, aðrar en álitsnefnd, sbr. 2. mgr. þessarar greinar. Kjörgengir samkvæmt þessari grein eru félagsmenn samkvæmt 1. málsgrein 5. greinar.

Í Álitsnefnd skal árlega kjósa þrjú menn til eins árs, en í nefndinni eiga sæti, auk þeirra, formaður stjórnar, varaformaður og fyrrverandi formaður.

Í Álitsnefnd eru því sex félagsmenn en fjórir í öðrum fastanefndum.

Forfallist nefndarmaður í nefndum samkvæmt 12. gr., á kjörtímabili skal stjórn heimilt að skipa mann í hans stað þar til nýr verður kosinn á næsta aðalfundi félagsins.

### **14. gr.**

Sem fyrst eftir að kosið og skipað hefur verið í fastanefndir skal framkvæmdastjóri FLE boða til funda í nefndunum. Á fyrsta fundi hverrar fastanefndar al skulu nefndarmenn skipta með sér störfum ef við á.

Fastanefndir skulu halda fundargerðir. Í upphafi starfsárs skal hver fastanefnd í samráði við stjórn og framkvæmdastjóra útbúa starfsáætlun fyrir starfsárið í samræmi við stefnumótun félagsins og hlutverk hverrar nefndar. Í lok starfsárs skal hver og ein fastanefnd skila stuttri samantekt fyrir félagsmenn þar sem gerð er grein fyrir helstu verkefnum nefndarinnar á nýliðnu starfsári og ef við á verkefnum sem eru fram undan.

## **4. Fundir og fundarsköp**

### **15. gr.**

Formaður kveður stjórnina til funda þegar hann telur þess þörf eða einn meðstjórnenda óskar þess.

### **16. gr.**

Stjórnin boðar til félagsfunda ef þurfa þykir og skal til þeirra boðað með tölvupósti eða á annan sannanlegan hátt með viku fyrirvara. Í fundarboði skal stuttlega geta þeirra mála, er fjallað skal um á fundinum.

Fimmti hluti félagsmanna hið fæsta hefur rétt til að krefjast félagsfundar. Skal það gert skriflega og greina fundarefni. Skal stjórnin boða til fundarins með venjulegum hætti, sem haldinn skal innan fjórtán daga frá því að henni barst krafa þar um og geta skal fundarefni í fundarboði. Nú verður stjórnin ekki við kröfu um slíkt fundarhald og geta þá þeir, sem fundarins krefjast, boðað til hans sjálfir.

### **17. gr.**

Aðalfundur skal haldinn eigi síðar en í nóvembermánuði ár hvert. Skal boðað til hans bréflaga, með tölvupósti eða á annan sannanlegan hátt, með viku fyrirvara. Aðalfundur er lögmaður ef löglega er til hans boðað. Félagsmenn með aukaaðild að félaginu samkvæmt 2. málsgrein 5. greinar hafa ekki atkvæðisrétt á aðalfundi en eru með tillögurétt og málfrelsi.

Aðalfundi stýrir fundarstjóri, sem kosinn er til þess af fundarmönnum og tilnefni hann fundarritara. Hann kannar í fundarbyrjun, hvort löglega hafi verið til fundarins boðað og lýsir því síðan hvort svo sé.

Fundarstjóri skal stjórna fundinum samkvæmt samþykktum félagsins og almennum reglum um fundarsköp.

### **Dagskrá aðalfundar skal vera:**

1. kosning fundarstjóra,
2. skýrsla stjórnar,
3. ársreikningur félagsins lagður fram til staðfestingar,

4. skýrslur fastanefnda,
5. tillögur til breytinga á samþykktum félagsins, ef um þær er að ræða,
6. kosning formanns ef við á,
7. kosning varaformanns ef við á,
8. kosning meðstjórnenda,
9. kosning endurskoðanda,
10. kosning þriggja manna í Álitsnefnd,
11. kosning eins manns til fjögurra ára í Endurskoðunarnefnd,
12. Kosning eins manns til fjögurra ára í Reikningskilanefnd,
13. Kosning eins manns til fjögurra ára í Skattanefnd,
14. kosning eins manns til tveggja ára í stjórn Námsstyrkja- og rannsóknarsjóðs FLE,
15. tillaga stjórnar um félagsgjald næsta reikningsárs,
16. önnur mál.

Atkvæðagreiðslur fara fram eftir því, sem fundarstjóri kveður nánar á um. Þó skal skrifleg atkvæðagreiðsla fara fram, ef einhver fundarmanna krefst þess.

#### **18. gr.**

Á fundum félagsins ræður meirihluti atkvæða úrslitum mála, nema öðruvísi sé ákveðið í samþykktum þessum.

Hver félagsmaður hefur eitt atkvæði og er óheimilt að veita öðrum umboð til að fara með atkvæði sitt.

#### **19. gr.**

Rita skal stutta fundargerð um það sem gerist á félagsfundum, einkum allar fundarsamþykktir. Fundarstjóri og fundarritari undirrita fundargerðina. Þessi fundargerð skal vera full sönnun þess, er farið hefur fram á fundinum.

Rita skal fundargerð um stjórnarfundi með sama hætti og skal hún staðfest af öllum viðstöddum stjórnarmönnum.

### **5. Fjármál**

#### **20. gr.**

Félag löggiltra endurskoðenda er ekki rekið í hagnaðarskyni, heldur skal nota allar eignir og tekjur þess til að vinna að tilgangi þess. Fjárhagur FLE er óháður fjárhag einstakra félagsmanna. Enginn félagsmaður á hlutdeild í eignum félagsins né er nokkur þeirra ábyrgur fyrir greiðslum skuldbindinga þess.

Að því leyti sem til skattlagningar kemur er félagið sjálfstæður skattaðili.

#### **21. gr.**

Reikningsár félagsins er frá 1. september til 31. ágúst.

#### **22. gr.**

Aðalfundur ákveður félagsgjald fyrir næsta ár sem og þeirra sem fengið hafa aukaaðild sbr. 5. gr. Stjórn skal leggja fram tillögu að félagsgjaldi.

Stjórn félagsins ákveður gjald sem félagsmenn greiða fyrir ýmsa þjónustu svo sem ráðstefnur, námskeið og önnur tilfallandi verkefni.

Stjórn félagsins er heimilt að lækka félagsgjald þeirra félagsmanna sem eru með innlögð réttindi.

Félagsmenn 67 ára og eldri sem hættir eru störfum geta sótt um niðurfellingu á félagsgjaldi til félagsins.

Stjórn félagsins er heimilt að fella niður félagsgjald, ef sérstakar ástæður eru fyrir hendi.

Inntökugjald endurskoðenda í félagið er 50% af félagsgjaldi, enda greiði félagsmaður ekki félagsgjald það reikningsár, er hann gerist félagsmaður.

Félagsmaður, sem fer úr félaginu hvort heldur vegna úrsagnar eða af öðrum ástæðum, á ekki endurkröfurétt til greiddra félagsgjalda.

**23. gr.**

Firma félagsins rita formaður þess og tveir stjórnarmanna. Stjórnin getur veitt framkvæmdastjóra prókúruumboð fyrir félagið.

**6. Ýmis ákvæði**

**24. gr.**

Tillaga um breytingar á samþykktum félagsins eða um félagsslit skal ítarlega getið í fundarboði og skulu þær bornar fram á aðalfundi. Öðlast þær tillögur aðeins gildi ef 2/3 hlutar greiddra atkvæða eru með þeim. Þó getur félagsfundur gert breytingar á samþykktum þessum ef enginn félagsmaður greiðir atkvæði gegn breytingartillögu sem fram er borin.

Þannig samþykkt á aðalfundi Félags löggiltra endurskoðenda 8. nóvember 2024.